



Bosnia and Herzegovina  
Federation of Bosnia and Herzegovina

KANTON SARAJEVO  
Government

Broj: 02-04-21050-51/21  
Sarajevo, 12.05.2021. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 - Ispravka) Vlada Kantona Sarajevo, na 23. sjednici održanoj 12.05.2021. godine, donijela je

### ZAKLJUČAK

1. Usvaja se Druga Informacija Ministarstva pravde i uprave Kantona Sarajevo o izvršenju odluka Ustavnog suda Bosne i Hercegovine, Ustavnog suda Federacije Bosne i Hercegovine i preporuka Institucije Ombudsmena za ljudska prava Bosne i Hercegovine.
2. Nalaže se resornim ministarstvima navedenim u Informaciji iz tačke 1. ovog zaključka da započnu aktivnosti, odnosno nastave započete aktivnosti na provođenju odluka ustavnih sudova Bosne i Hercegovine i preporuka Institucije Ombudsmena za ljudska prava Bosne i Hercegovine, kao i da vrše nadzor nad provođenjem preporuka iz svoje oblasti (preporuke koje se odnose na javna preduzeća, javne ustanove, upravne organizacije i druge organe javnog sektora) u cilju konačne realizacije navedenih odluka ustavnih sudova i preporuka Institucije Ombudsmena za ljudska prava.
3. Obavczuju se resorna ministarstva navedena u Informaciji iz tačke 1. ovog zaključka da jednom mjesečno, a najkasnije do 25. u mjesecu, obavještavaju Ministarstvo pravde i uprave o poduzetim aktivnostima na implementaciji odluka ustavnih sudova Bosne i Hercegovine i preporuka Institucije ombudsmena za ljudska prava Bosne i Hercegovine.
4. Zadužuje se Ministarstvo pravde i uprave da polugodišnje informiše Vladu Kantona Sarajevo o poduzetim aktivnostima na implementaciji odluka ustavnih sudova Bosne i Hercegovine i preporuka Institucije ombudsmena za ljudska prava Bosne i Hercegovine.
5. Zadužuje se Ministarstvo pravde i uprave Kantona Sarajevo da na zvaničnoj web stranici objavi Informaciju iz tačke 1. ovog zaključka, u cilju informisanja javnosti, vodeći računa o podacima u Informaciji koji se odnose na zaštitu ličnih podataka.

PREMIJER

Edin Forto

Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387(0)33 562-068, 562-070  
Fax: + 387(0)33 562-211

Sarajevo, Reisa Džemaludina Čauševića 1



4. Ministarstvo pravde i uprave Kantona Sarajevo,
5. Ministarstva Kantona Sarajevo (12x),
6. Evidencija,
7. Arhiva.



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387(0)33 562-068, 562-070  
Fax: + 387(0)33 562-211  
Sarajevo, Reisa Džemaludina Čauševića 1



**MINISTARSTVO PRAVDE I UPRAVE  
KANTONA SARAJEVO  
Sektor za propise**

**DRUGA INFORMACIJA  
O IZVRŠENJU ODLUKA USTAVNOG SUDA BOSNE I HERCEGOVINE,  
USTAVNOG SUDA FEDERACIJE BOSNE I HERCEGOVINE I PREPORUKA  
INSTITUCIJE OMBUDSMENA ZA LJUDSKA PRAVA BOSNE I  
HERCEGOVINE**

maj 2021. godine

## **I UVOD**

Ministarstvo pravde i uprave Kantona Sarajevo, shodno Zaključku Vlade Kantona Sarajevo, broj: 02-04-13850-39/20 od 28.05.2020. godine, pripremilo je Drugu informaciju o izvršenju odluka Ustavnog suda Bosne i Hercegovine, Ustavnog suda Federacije Bosne i Hercegovine i preporuka Institucije Ombudsmena za ljudska prava Bosne i Hercegovine.

S obzirom da sva ministarstva nisu bila ažurna u dostavljanju obavijesti o poduzetim aktivnostima na implementaciji odluka ustavnih sudova i preporuka Ombudsmena, Ministarstvo pravde i uprave je 12.04.2021. godine uputilo urgenciju, broj: 03-04-02-12257-2/20, svim ministarstvima i pozvalo da ispoštuju obavezu dostavljanja obavijesti.

Ministarstvo je u Informaciji obuhvatilo odluke i preporuke koje su resorna ministarstva dostavila do 07.05.2021. godine, kao i poduzete mjere koje su ministarstva poduzela u implementaciji odluka i preporuka.

Informacija sadrži: jednu Odluku Ustavnog suda Bosne i Hercegovine, četiri odluke Ustavnog suda Federacije Bosne i Hercegovine i devet preporuka Ombudsmena za ljudska prava Bosne i Hercegovine.

U smislu kontinuiteta izvještavanja, ovom Informacijom su u poglavlju V i VI obuhvaćene odluke i preporuke koje su bile u Informaciji, broj: 03-04-02-12257/20 od 15.05.2020. godine, a koje još uvijek nisu realizovane ili je njihovo provođenje u toku.

U prilogu ove informacije, su tabelarni prikazi dostavljenih odluka i preporuka.

## II ODLUKE USTAVNOG SUDA BOSNE I HERCEGOVINE

### **1. Odluka AP-483/18**

Ustavni sud Bosne i Hercegovine donio je djelimičnu Odluku o dopustivosti i meritumu, na sjednici održanoj 09.09.2020.godine, u predmetu broj AP-483/18, kojom se usvaja apelacija koju su podnijeli [REDACTED]

[REDACTED]. Utvrđuje se povreda prava na pravično suđenje iz člana II/3.e) Ustava Bosne i Hercegovine i člana 6. stav 1. Evropske konvencije za zaštitu ljudskih prava i osnovnih sloboda zbog neprovođenja rješenja o izvršenju Općinskog suda u Sarajevu br. 65 0 I 537956 15 I od 23. novembra 2015. godine i 65 0 I 382502 13 I od 8. oktobra 2013. godine. Na osnovu člana 72. stav (2) Pravila Ustavnog suda nalaže se Vladi Kantona Sarajevo da u skladu s ovom odlukom odmah preduzme odgovarajuće mjere za provođenje rješenja o izvršenju Općinskog suda u Sarajevu br. 65 0 I 537956 15 I od 23. novembra 2015. godine i 65 0 I 382502 13 I od 8. oktobra 2013. godine u skladu sa članom II/3.e) Ustava Bosne i Hercegovine i članom 6. stav 1. Evropske konvencije za zaštitu ljudskih prava i osnovnih sloboda. Na osnovu člana 74. stav (1) Pravila Ustavnog suda Bosne i Hercegovine, nalaže se Vladi Kantona Sarajevo da apelantima [REDACTED]

[REDACTED] isplati iznos od po 1.000,00 KM na ime naknade nematerijalne štete zbog neprovođenja rješenja o izvršenju, i to u roku od tri mjeseca od dostavljanja ove odluke, uz obavezu da nakon isteka ovog roka plati zakonsku zateznu kamatu na eventualno neisplaćeni iznos ili dio iznosa naknade određene ovom odlukom.

**1.2. Status realizacije: Presuda je realizovana.** Ministarstvo finansija Kantona Sarajevo je u Obavijesti, broj: 08-01-02-12257/21 od 27.04.2021. godine, navelo da je postupilo po Odluci Vlade Kantona Sarajevo, shodno Odluci Suda Bosne i Hercegovine i apelantima isplatilo od po 1.000,00 KM na ime naknade nematerijalne štete zbog neprovođenja rješenja o izvršenju. Datum plaćanja je 25.12.2020. godine, a o istom je obaviješten Ustavni sud Bosne i Hercegovine.

## **III PRESUDE USTAVNOG SUDA FEDERACIJE BOSNE I HERCEGOVINE**

### **1. Presuda U-7/19**

Presudom U-7/19 od 19.01.2021. godine Ustavni sud Federacije Bosne i Hercegovine utvrdio je da je Kanton Sarajevo neprovođenjem odredbi člana 84. stav (8) Zakona o uređenju saobraćaja na području Kantona Sarajevo ("Službene novine Kantona Sarajevo", broj 30/17) i člana 35. stav (6) Uredbe o organizaciji parkiranja, javnim parking površinama, parking zonama, izgradnji novih parkinga i organizaciji jedinstvenog sistema naplate parkiranja ("Službene novine Kantona Sarajevo", broj 52/18) povrijedio pravo opština Centar Sarajevo i Stari Grad Sarajevo na participaciju u raspodjeli sredstava prikupljenih po osnovu naplate parkiranja na javnim parkinzima i u javnim garažama, u zavisnosti od ukupnog broja parking mjesta na području tih opština. Sud nalaže Kantonu Sarajevo, da u roku od 60 (šezdeset) dana od dana objave ove presude u "Službenim novinama Federacije BiH", otkloni posljedice tog nečinjenja i u cijelosti provede navedene propise.

#### **1.2. Status realizacije: Presuda nije realizovana.**

**Napomena:** U Informaciji Ministarstva saobraćaja, broj 04-04-12257/20 od 23.04.2021.godine, koju je Ministarstvo dostavilo Ministarstvu pravde i uprave, navedeno je da Ministarstvo saobraćaja priprema tekst Sporazuma o raspodjeli naknade i konkretnoj strukturi ulaganja sredstava prikupljenih od naplate javnih parkinga, u skladu sa navedenom Presudom, a koji će biti dostavljen Općinama Centar i Stari Grad na usaglašavanje.

### **2. Presuda U-56/20**

Ustavni sud Federacije Bosne i Hercegovine, 24.02.2021. godine donio je Presudu, broj U-56/20, kojom se utvrđuje da Zakon o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 50/20) nije saglasan sa Ustavom Federacije Bosne i Hercegovine, jer postupak njegovog donošenja nije proveden u skladu sa Poslovníkom Skupštine Kantona Sarajevo-Drugi novi prečišćeni tekst ("Službene novine Kantona Sarajevo", br. 41/12, 15/13, 47/13, 47/15, 48/16, 9/20 i 14/20).

**2.1. Status realizacije: Presuda je realizovana.** Skupština Kantona Sarajevo, na 34. Radnoj sjednici, održanoj dana 07.04.2021. godine, donijela je Zakon o izmjenama i dopunama Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 14/21), kojim je implementirana Presuda Ustavnog suda Federacije Bosne i Hercegovine.

### **3. Presuda U-31/19**

Ustavni sud Federacije Bosne i Hercegovine odlučujući o zahtjevu načelnika opština Trnovo, Hadžići, Ilidža, Novi Grad Sarajevo, Ilijaš i Centar Sarajevo za zaštitu prava na lokalnu samoupravu u vezi sa članom 13. Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima sa javnim ovlaštenjima na teritoriju kantona, grada ili opštine, u javnim ustanovama i javnim preduzećima čiji su osnivači kanton, grad ili opština, te u privrednim društvima u kojima kanton, grad ili opština sudjeluje sa više od 50% ukupnog kapitala, na sjednici održanoj 06.10.2020. godine, donio je Presudu kojom se utvrđuje da je članom 13. Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima sa javnim ovlaštenjima na teritoriju kantona, grada ili opštine, u javnim ustanovama i javnim preduzećima čiji su osnivači kanton, grad ili opština, te u

privrednim društvima u kojima kanton, grad ili opština sudjeluju sa više od 50% ukupnog kapitala ("Službene novine Kantona Sarajevo", br.: 9/19 i 21/19) povrijeđeno pravo na lokalnu samoupravu.

### **3.1. Status realizacije: Presuda nije realizovana.**

#### **4. Presuda U-37/19**

Ustavni sud Federacije Bosne i Hercegovine, na sjednici održanoj 28.10.2020. godine donio je Presudu, broj: U-37/19, kojom se utvrđuje da Tarifni broj 1. stav 1. Zakona o komunalnim taksama - Prečišćeni tekst ("Službene novine Kantona Sarajevo", br. 14/06, 34/07, 2/08, 31/12, 36/12 i 28/18) nije u skladu sa Ustavom Federacije Bosne i Hercegovine, kao i član 5. Tarifni broj 1. Odluke o visini komunalnih taksa ("Službene novine Kantona Sarajevo", br. 1/13, 2/14, 6/18 i 2/19).

#### **4.1. Status realizacije: Presuda nije realizovana.**

**Napomena:** Ministarstvo finansija Kantona Sarajevo je u Obavijesti, broj: 08-01-02-12257/21 od 27.04.2021. godine, koju je dostavilo Ministarstvu pravde i uprave Kantona Sarajevo, navelo da su pokrenute aktivnosti na izradi novog Zakona o komunalnim taksama.

## **IV PREPORUKE OMBUDSMENA ZA LJUDSKA PRAVA BOSNE I HERCEGOVINE**

### **1. Preporuka P-82/21**

Institucija Ombudsmena uputila je Preporuku broj P-82/21 od 31.03.2021. godine u vezi sa žalbom [REDAKTIRANO], KJKP „Gras“ d.o.o. Sarajevo da u koordinaciji sa resornim ministarstvom iznađe rješenje i izvrši uplatu doprinosa za penzijsko i invalidsko osiguranje u cilju povezivanja stažaa osiguranja za podnosioca žalbe radi ostvarivanja prava na penziju i u roku od 30 dana da obavijeste Ombudsmene Bosne i Hercegovine o načinu realizaciji ove Preporuke.

#### **1.2. Status realizacije:**

**Preporuka je realizovana.** Ministarstvo saobraćaja je uputilo akt KJKP „Gras“ d.o.o. Sarajevo, 22.04.2021. godine, a kojim se ovo preduzeće upućuje da redosljed uplata doprinosa za penzijsko i invalidsko osiguranje, u cilju povezivanja staža osiguranja i ostvarenja prava na penziju, vrši prema socijalnim kriterijima kako bi osobe u stanju socijalne potrebe imale prednost u ostvarivanju navedenih prava, te bi na ovaj način [REDAKTIRANO], u najkraćem roku ostvario pravo na punu penziju. O preduzetim mjerama, Ministarstvo saobraćaja upoznao je i Ombudsmene BiH.

### **2. Preporuka broj: Ž-SA-05-927/20**

Preporuka se odnosi na dostavljanje informacije o rješavanju po žalbi u predmetu [REDAKTIRANO].

#### **2.1. Status realizacije:**

**Preporuka je realizovana.** Ministarstvo saobraćaja je dostavilo Informaciju Ombudsmanima BiH, broj: 04-45-1685/20 od 22.04.2021. godine, u kojoj je navedeno da je drugostepeno rješenje doneseno i isto je dostavljeno uz Informaciju.

### **3. Preporuka P-198/20**

Institucija Ombudsmena za ljudska prava uputila je Preporuku, broj: P-198/20 od 24.09.2020. godine, Ministarstvu privrede Kantona Sarajevo, a u vezi sa žalbom [REDAKTIRANO], da poduzme odgovarajuće mjere i aktivnosti, u saradnji sa partnerima, kojim će se preciznije definisati tačke Smjernica za podnosiocima prijava Javnog poziva za odabir korisnika grant sheme u budućim postupanjima, a što se posebno odnosi na uslove Javnog poziva, odnosno osnovne kriterije za prijavu, čiji će sastavni dio biti i sam tekst Javnog poziva koji se raspisuje, te da u roku od 30 dana obavijeste Ombudsmene o aktivnostima usmjerenim na realizaciji Preporuke.

#### **3.1. Status realizacije:**

**Preporuka je realizovana.** Ministarstvo privrede je 08.01.2021. godine dostavilo izjašnjenje Instituciji Ombudsmena.

### **4. Preporuka P-86/20**

Institucija Ombudsmena za ljudska prava uputila je Preporuku, broj: P-86/20 od 28.05.2020. godine Ministarstvu unutrašnjih poslova Kantona Sarajevo, a u vezi sa žalbom [REDAKTIRANO] o povredi odredbi Zakona o slobodi pristupa informacijama Federacije Bosne i Hercegovine („Službene novine Federacije Bosne i Hercegovine“, br. 32/01 i 48/11), da preispita Rješenje, broj: UP-II-05-1-



49-53/19 od 10.12.2019. godine i razmotri mogućnost poništenja istog, te donošenje novog rješenja u smislu odredbi Zakona o slobodi pristupa informacijama Federacije Bosne i Hercegovine, te da obavijesti Ombudsmene Bosne i Hercegovine o poduzetim mjerama u cilju realizacije Preporuke.

#### **4.1 Status realizacije:**

**Preporuka nije realizovana.** Ministarstvo unutrašnjih poslova dostavilo je odgovor Ombudsmenima, broj: UP-II-05-1-49-53/19 od 29.06.2020. godine.

#### **5. Preporuka P-125/20**

Institucija Ombudsmena uputila je Preporuku, broj: P-125/20 od 14.07.2020. godine, Kantonalnom javnom komunalnom preduzeću „Vodovod i kanalizacija“ d.o.o. Sarajevo, u vezi sa žalbom [REDACTED] koja se odnosi na disciplinsku prijavu protiv spomenutih lica, da poduzme aktivnosti kojom će konkretnu situaciju vratiti u zakonske okvire, te da o poduzetim mjerama u konkretnom predmetu, obavijeste Ombudsmene Bosne i Hercegovine u roku od 30 dana.

#### **5.1. Status realizacije:**

**Preporuka nije realizovana.** KJKP „Vodovod i kanalizacija“ d.o.o. Sarajevo je uputilo Obavijest, broj: 59/20 od 17.07.2020. godine, Instituciji Ombudsmena u kojoj se očitovalo o Preporuci.

#### **6. Preporuka P-153/20**

Institucija Ombudsmena uputila je Preporuku, broj: P-153/20 od 03.08.2020. godine, Kantonalnom javnom komunalnom preduzeću “Vodovod i kanalizacija” d.o.o. Sarajevo, u vezi sa žalbom [REDACTED] koja se odnosi na kršenje odredbi Zakona o slobodi pristupa informacijama (“Službene novine Federacije Bosne i Hercegovine”, br. 32/01 i 48/11), da razmotri mogućnost preispitivanja i poništenja osporenog Rješenja KJKP “Vodovod i kanalizacija” d.o.o. Sarajevo, broj: 27-2-1/20 kojim se odbija prigovor žalitelja izjavljen protiv Rješenja broj: 21-1-1/20 od 21.01.2020. godine kao neosnovan, te da u roku od 30 dana obavijesti Ombudsmene Bosne i Hercegovine o realizaciji Preporuke i dostavi rješenje doneseno u skladu sa ovom Preporukom.

#### **6.1. Status realizacije:**

**Preporuka nije realizovana.** KJKP “Vodovod i kanalizacija” d.o.o. Sarajevo je navelo da je Preporuku razmotrilo, te da ostaje pri ranije donesenim rješenjima.

**7. Preporuka Ombudsmena Bosne i Hercegovine za pružanje pomoći podnositeljici žalbe [REDACTED], vezano za hitne specijalističke preglede djeteta [REDACTED], broj: Ž-BL-01-341/16 od 18.08.2020. godine i Preporuka Ombudsmena Bosne i Hercegovine za postupanje po žalbi pacijenta [REDACTED], po kojoj je već bila donesena Odluka, broj: 01-05-9481-3/20 od 29.09.2020.godine.**

U Informaciji, koju je Ministarstvo zdravstva dostavilo Ministarstvu pravde i uprave Kantona Sarajevo, u kojoj su između ostalog i izjašnjenja javnih zdravstvenih ustanova čiji je osnivač Kanton Sarajevo, u Informaciji Javne ustanove Dom zdravlja Kantona Sarajevo, navedene su dvije pomenute preporuke, te da je o poduzetim mjerama obaviješten postupajući ombudsman za ljudska prava, ali uz informaciju nisu dostavljene Preporuke niti je konkretizovano kakve mjere su poduzete po pitanju istih.

Napomena: Pomenute preporuke nisu objavljene na zvaničnoj web stranici Institucije Ombudsmena za ljudska prava.

## **8. Preporuka P-170/20**

Institucija Ombudsmena za ljudska prava Bosne i Hercegovine, uputila je Preporuku, broj: 170/20 od 31.08.2020.godine, Vladi Kantona Sarajevo i Ministarstvu pravde i uprave Kantona Sarajevo, da po prijemu Preporuke, bez odlaganja, u skladu sa zakonskim procedurama, poduzmu aktivnosti na donošenju Obavezujuće upute za učešće u radu i odlučivanju u Skupštini TV SA, zasnovanu na objektivnim činjenicama i razlozima proporcionalna cilju koji se želi postići.

**8.1. Status realizacije: Preporuka je realizovana.** Ministarstvo pravde i uprave Kantona Sarajevo dostavilo je Obavijest, broj: 03-06-04-26253-1/20 od 25.09.2020. godine, u kojoj je informisala Instituciju Ombudsmena da je Vlada Kantona Sarajevo, na 28. sjednici održanoj dana 23.07.2020. godine donijela je Zaključak broj: 02-04-26253-40/20 o prihvatanju Poziva za održavanje 2. redovne sjednice Skupštine TVSA i dala Obavezujuću uputu broj: 02-04-26253-40.1/20 za učešće o radu i odlučivanju, koja je sastavni dio navedenog zaključka. Navedenom odlukom je propisano da su punomoćnici dužni postupati u skladu sa obavezujućim uputama Vlade Kantona Sarajevo.

# **V ODLUKE USTAVNOG SUDA FEDERACIJE BOSNE I HERCEGOVINE KOJE SU BILE OBUHVACENE PRETHODNOM INFORMACIJOM A NISU PROVEDENE ILI JE NJIHOVO PROVOĐENJE U TOKU**

## **1. Presuda U-14/09**

Presudom broj U-14/09 od 12.10.2010. godine Ustavni sud Federacije Bosne i Hercegovine je utvrdio da je Kanton Sarajevo povrijedio pravo na lokalnu samoupravu Općine Centar Sarajevo, jer nije postupio prema odredbama člana 58., 59. i 60. Zakona o načelima lokalne samouprave u Federaciji Bosne i Hercegovine ("Službene novine Federacije BiH", broj 49/06).

### **1.1 Rješenje o neizvršenju**

Rješenjem od 24.05.2011. godine, Ustavni sud Federacije Bosne i Hercegovine utvrdio je da presuda broj U-14/09 nije izvršena.

Premijer Federacije Bosne i Hercegovine je aktom broj 01-11-177/11 od 24.03.2011. godine dostavio Ustavnom sudu Federacije Informaciju o izvršenju pet presuda Ustavnog suda Federacije koje su donesene u tijeku 2010. godine. U Informaciji je, između ostalog, navedeno da Presuda ovog suda broj U-14/09 od 12.10.2010. godine nije implementirana, da je prema informacijama premijera Kantona Sarajevo od 16.03.2011. godine Skupština Kantona Sarajevo utvrdila Nacrt zakona o lokalnoj samoupravi 04.05.2010. godine i uputila ga na javnu raspravu. U periodu konstituiranja nove vlasti u Kantonu Sarajevo opredjeljenje je bilo da se prije utvrđivanja konačnog teksta zakona ponovno obave radni i konzultativni sastanci sa predstavnicima lokalne samouprave i predstavnicima Saveza općina i gradova Federacije Bosne i Hercegovine. Nakon dogovora, Vlada Kantona će utvrditi Prijedlog zakona o lokalnoj samoupravi, sa precizno utvrđenim rokom za usklađivanje ostalih kantonalnih propisa koji se mogu donijeti prije donošenja Zakona o načelima lokalne samouprave.

**Napomena:** Programom rada Ministarstva pravde i uprave Kantona Sarajevo za 2021. godinu, predviđena je izrada Zakona o lokalnoj samoupravi Kantona Sarajevo.

### **1.2 Status realizacije Presude: Presuda nije realizovana.**

## **2. Presuda U-18/09**

Presudom U-18/09 od 26.01.2010. godine Ustavni sud Federacije Bosne i Hercegovine je utvrdio da je odredbama čl. 2., 3., 4. i 5. Zakona o imovini Kantona Sarajevo ("Službene novine Kantona Sarajevo", broj 6/97) povrijeđeno pravo Grada Sarajeva na lokalnu samoupravu.

### **2.1. Rješenje o neizvršenju**

Rješenjem od 22.02.2011. godine, Ustavni sud je utvrdio da presuda broj U-18/09 nije izvršena.

Premijer Federacije Bosne i Hercegovine je aktom broj 01-11-286-6/10 od 02.11.2010. godine, dostavio Ustavnom sudu Federacije Informaciju o izvršenju presuda Ustavnog suda Federacije koje su donesene u tijeku 2010. godine. U Informaciji je, između ostaloga navedeno, da Presuda ovog suda broj 18/09 od 26.01.2010. godine nije implementirana, da su od predsjedatelja Skupštine Kantona Sarajevo i premijera Kantona Sarajevo traženi podaci o izvršenju, odnosno poduzetim aktivnostima na izvršenju navedene presude, te je u prilogu dopisa premijera Kantona Sarajevo, od 13.10.2010. godine dostavljena Informacija Ministarstva privrede iz koje proizilazi, da je

Ministarstvo pravde i uprave nadležno za izradu Prijedloga zakona o izmjenama i dopunama Zakona o imovini Kantona Sarajevo.

## **2.2 Status realizacije Presude: Presuda nije realizovana.**

**Napomena:** Programom rada Ministarstva pravde i uprave Kantona Sarajevo za 2021. godinu, predviđena je izrada Zakona o imovini Kantona Sarajevo.

### **3. Presuda broj U-21/09 – Djelimična presuda**

Presudom Ustavnog suda Federacije Bosne i Hercegovine broj U-21/09 od 27.09.2010. godine utvrđeno je sljedeće:

1. Utvrđuje se da Zakon o privremenom korišćenju javnih površina na području Kantona Sarajevo ("Službene novine Kantona Sarajevo", broj 24/04) povrjeđuje pravo Grada Sarajeva na lokalnu samoupravu, jer osporeni zakon nije poštovao nadležnosti gradskih vlasti u skladu sa Amandmanom XVI na Ustav Federacije Bosne i Hercegovine, koje se odnose na zajedničku infrastrukturu.

2. Utvrđuje se da je članom 156. stav 1. alineja 9. Zakona o srednjem obrazovanju ("Službene novine Kantona Sarajevo", br. 10/04 i 34/07) povrijeđeno pravo Grada Sarajeva na lokalnu samoupravu, jer Zakonom nije predviđeno obezbjeđenje finansijskih sredstava neophodnih za izvršenje obaveze iz osporenog člana.

3. Utvrđuje se da se Odlukom o utvrđivanju lokalnih cesta na području Kantona Sarajevo i Odlukom o utvrđivanju lokalnih cesta od interesa za općine na području Kantona Sarajevo ("Službene novine Kantona Sarajevo", broj 17/05) povrjeđuje pravo Grada Sarajeva na lokalnu samoupravu, jer osporene odluke nisu poštovale nadležnosti gradskih vlasti u skladu sa Amandmanom XVI na Ustav Federacije Bosne i Hercegovine koje se odnose na javni promet.

4. Utvrđuje se da se primjenom Pravilnika o visini i načinu plaćanja naknade za postavljanje reklamnih panoa i znakova informisanja u zaštitnom cestovnom pojasu na području Kantona Sarajevo ("Službene novine Kantona Sarajevo", broj 14/02) i Pravilnika o visini i načinu plaćanja naknade za korištenje cestovnog pojasa i zemljišta koje pripada cestama na području Kantona Sarajevo ("Službene novine Kantona Sarajevo", broj 19/02) povrjeđuje pravo Grada Sarajeva na lokalnu samoupravu, jer su u skladu sa članom 87. stav 2. Zakona o cestama Federacije Bosne i Hercegovine ("Službene novine Federacije BiH", broj 6/02) navedeni pravilnici prestali da važe.

### **3.1. Rješenje o neizvršenju**

Rješenjem od 06.03.2012. godine, Ustavni sud Federacije Bosne i Hercegovine utvrdio je da presuda broj U-21/09 nije izvršena.

Premijer Federacije Bosne i Hercegovine je aktom broj: 01-11-1989-1/11 od 04.01.2012. godine, dostavio Ustavnom sudu Federacije Informaciju o izvršenju presuda Ustavnog suda Federacije, odnosno o preduzetim aktivnostima za izvršenje presuda. U navedenoj Informaciji je, između ostalog navedeno, da je u cilju izvršenja dijela presude koji se odnosi na Zakon o privremenom korišćenju javnih površina na području Kantona Sarajevo ("Službene novine Kantona Sarajevo", broj 24/04) pripremljen Nacrt Zakona o izmjeni Zakona o privremenom korišćenju javnih površina na području Kantona Sarajevo.

Prema informaciji Ministarstva prostornog uređenja i zaštite okoliša Kantona Sarajevo prema programu rada planirano je da se usvoji ovaj Zakon do polovine 2012. godine.

Za ostale zakone i provedbene propise za koje je navedeno da povrjeđuju pravo Grada Sarajeva na lokalnu samoupravu, nije navedeno da li su doneseni.

### **3.2. Status realizacije Presude**

Tačka 4. presude je implementirana donošenjem Pravilnika o visini i načinu plaćanja naknade za postavljanje reklamnih panoa i znakova informisanja u zaštitnom cestovnom pojasu na području Kantona Sarajevo i Pravilnika o visini i načinu plaćanja naknade za korištenje cestovnog pojasa i zemljišta koje pripada cestama na području Kantona Sarajevo („Službene novine Kantona Sarajevo“, broj 54/12).

### **4. Dopunska presuda U-21/09**

Ustavni sud Federacije Bosne i Hercegovine je u presudi broj U-21/09 od 21.10.2015. godine utvrdio da Zakon o komunalnim djelatnostima („Službene novine Kantona Sarajevo“, br.: 31/04, 21/05 i 36/14) i Zakon o komunalnoj čistoći („Službene novine Kantona Sarajevo“, broj: 11/97), povrjeđuju pravo Grada Sarajeva na lokalnu samoupravu, jer osporeni zakoni nisu poštovali nadležnosti i odgovornosti gradskih vlasti u skladu sa Amandmanom XVI na Ustav Federacije Bosne i Hercegovine, i jer prilikom donošenja ovih zakona, nije postupljeno u skladu sa čl. 3. i 4. Evropske povelje o lokalnoj samoupravi i čl. 56., 59. i 60. Zakona o principima lokalne samouprave u Federaciji Bosne i Hercegovine („Službene novine Federacije BiH“, br.: 49/06 i 51/09).

#### **4.1. Status realizacije Presude: Presuda nije realizovana.**

## **VI PREPORUKE OMBUDSMENA ZA LJUDSKA PRAVA BOSNE I HERCEGOVINE KOJE SU BILE OBUHVAĆENE PRETHODNOM INFORMACIJOM A NISU PROVEDENE**

Radi kontinuiranog izvještavanja, u nastavku su navedene Preporuke Ombudsmena za ljudska prava Bosne i Hercegovine, koje su bile obuhvaćene prethodnom Informacijom Ministarstva pravde i uprave Kantona Sarajevo, te koje su u toj Informaciji označene kao “nerealizovane”.

**Napomena:** Resorna ministarstva, u obavijestima koja su dostavili do 07.05.2021. godine, za Preporuke od rednog broja 2. do 24., nisu naveli da li su poduzimali određene aktivnosti na implementaciji istih.

### **1. Preporuka P-316/18**

Institucija Ombudsmena je dala preporuku direktoru Kantonalnog javnog komunalnog preduzeća “Park” d.o.o. Sarajevo da stavi van snage rješenja kojima se N.N. licima otkazuju ugovori o radu na neodređeno vrijeme uz ponudu zaključenja novog ugovora o radu pod izmijenjenim uslovima na radnom mjestu kv radnika u Sektoru za održavanje zelenih površina, da prestane sa mobingom prema žaliteljima, te da u roku od 30 dana od dana prijema ove Preporuke obavijesti Ombudsmene za ljudska prava Bosne i Hercegovine o preduzetim mjerama.

#### **1.1. Status realizacije:**

**Preporuka je realizovana.** Ministarstvo komunalne privrede i infrastrukture Kantona Sarajevo je 12.07.2020. godine dostavilo odgovor Kantonalnog javno komunalnog preduzeća “Park” d.o.o. Sarajevo o poduzetim aktivnostima po ovoj Preporuci. Presudom Općinskog suda u Sarajevu, [REDACTED] su odbijeni sa tužbenim zahtjevom za poništenje rješenja tuženog o otkazu ugovora o radu sa ponudom zaključenja novog ugovora o radu. Presudom Općinskog suda u Sarajevu, [REDACTED] je odbijen sa tužbenim zahtjevom da se poništi rješenje kao nezakonito. U predmetu tužitelja [REDACTED] donesena je presuda protiv koje je uložena žalba, sud još uvijek nije odlučio o žalbi. U predmetu [REDACTED], sud je donio presudu kojom je u cijelosti odbio njegov tužbeni zahtjev za poništenje rješenja o otkazu ugovora o radu sa ponudom zaključenja novog ugovora o radu pod izmijenjenim uslovima. Radnici [REDACTED] su raspoređeni na radno mjesto komunalnog redara. [REDACTED] je sporazumno prestao radni odnos 06.08.2018. godine. KJKP “Park” d.o.o. Sarajevo je o poduzetim aktivnostima obavijesti i Instituciju Ombudsmena.

### **2. Preporuka P-25/17**

Institucija Ombudsmena je dala preporuku Ministarstvu za obrazovanje, nauku i mlade Kantona Sarajevo, direktoru JU OŠ “Hasan Kikić” da u skladu sa svojim zakonom utvrđenim nadležnostima poduzmu mjere u cilju otklanjanja utvrđenih nezakonitosti, posebno u dijelu koji se odnosi na nepostupanje u skladu sa saglasnošću Ministarstva za obrazovanje, nauku i mlade Kantona Sarajevo, broj: 11-34-19819-19-1/15 od dana 12.01.2016. godine (Odluka o raspisivanju Konkursa za popunu upražnjenih radnih mjesta) i Odlukom broj 02-14-56/16 od 22.02.2016.godine, te da se razmotri mogućnost poništenja Ugovora o radu broj 02-14-99/16 zaključenog dana 08.03.2016.godine, te da u roku od 30 dana od dana prijema ove Preporuke obavijeste Ombudsmene za ljudska prava Bosne i Hercegovine o preduzetim mjerama.

#### **2.1. Status realizacije:**

**Preporuka nije realizovana.** JU OŠ “Hasan Kikić” je u svom odgovoru koji je uputila Instituciji Ombudsmena navela da će o ovom predmetu da se očituje nadležni sud. Ministarstvo za obrazovanje, nauku i mlade Kantona Sarajevo nije dostavilo odgovor o predmetnoj preporuci. Institucija Ombudsmena je 01.06.2017.godine aktom ukazala na konkretan predmet Premijeru Vlade Kantona Sarajevo, ali nije zaprimila odgovor.

### **3. Preporuka P-213/17**

Institucija Ombudsmena je dala preporuku Ministarstvu prostornog uređenja, građenja i zaštite okoliša Kantona Sarajevo da poništi “Javni poziv za podnošenje prijave za učešće u radu komisija za vršenje tehničkih pregleda građevina i radova za koje odobrenje za građane donosi Ministarstvo prostornog uređenja, građenja i zaštite okoliša Kantona Sarajevo”, te da ponovo raspiše Javni poziv u skladu sa uvjetima predviđenim odredbama Zakona o prostornom uređenju Kantona Sarajevo, te da u roku od 30 dana od dana prijema ove Preporuke obavijeste Ombudsmene za ljudska prava Bosne i Hercegovine o preduzetim mjerama.

#### **3.1. Status realizacije:**

**Preporuka nije realizovana.** Ministarstvo prostornog uređenja, građenja i zaštite okoliša Kantona Sarajevo je dostavilo odgovor, u kojem je navelo da nakon sagledavanje predmetne preporuke smatra da nije došlo do povrede Zakona o zabrani diskriminacije BiH, međutim u odgovoru se nisu osvrnuli na nepropisivanje spornog uvjeta (starosne dobi) odredbama Zakona o prostornom uređenju Kantona Sarajevo, te institucija ombudsmena ovu preporuku karakteriše kao nerealizovanu.

### **4. Preporuka P-310/17**

Institucija Ombudsmena je dala preporuku direktoru Zavoda za zdravstvenu zaštitu zaposlenika MUP-a Kantona Sarajevo da postupi u skladu sa članom 14. Zakona o slobodi pristupa informacijama Federacije Bosne i Hercegovine i donese rješenje o pristupu informacijama, te da u roku od 30 dana od dana prijema ove Preporuke obavijeste Ombudsmene za ljudska prava Bosne i Hercegovine o preduzetim mjerama.

#### **4.1. Status realizacije:**

**Preporuka nije realizovana.** Institucija Ombudsmena je zaprimila akt Zavoda za zdravstvenu zaštitu zaposlenika MUP-a Kantona Sarajevo, u kojem navode da su u predmetu na koji se preporuka odnosi, ispoštovani svi zakonski propisi i procedure.

### **5. Preporuka P-190/19**

Institucija Ombudsmena je uputila preporuku Vladi Kantona Sarajevo da preispita Odluku (Informaciju upućenu podnosiocu žalbu broj: 02-34-3720/19 od 29.04.2019. godine) kojom se ne udovoljava Zahtjevu za pristup informacijama od dana 27.02.2019. godine, kojim je tražena dostava imena i prezimena zaposlenika koji je pripremio Rješenje o početku rada direktora Zavoda za informatiku i statistiku Kantona Sarajevo, te da u roku od 30 dana od dana prijema ove Preporuke obavijeste Ombudsmene za ljudska prava Bosne i Hercegovine o preduzetim mjerama.

#### **5.1. Status realizacije: Preporuka nije realizovana.**

### **6. Preporuka P-64/18**

Institucija Ombudsmena je uputila preporuku policijskom komesaru Ministarstva unutrašnjih poslova Kantona Sarajevo da ponovo razmotri molbu za premještaj N.N. lica, te da sagleda i druge mogućnosti koje ima na raspolaganju u cilju ispunjavanja najboljeg interesa djeteta u predmetnom slučaju, te da u roku od 30 dana od dana prijema ove Preporuke obavijeste Ombudsmene za ljudska prava Bosne i Hercegovine o preduzetim mjerama.

#### **6.1. Status realizacije: Preporuka nije realizovana.**

### **7. Preporuka P-69/17**

Institucija Ombudsmena je uputila preporuku Vladi Kantona Sarajevo i Ministarstvu finansija Kantona Sarajevo da preduzmu sve mjere kako bi se izvršile pravosnažne i izvršne presude Općinskog suda u Sarajevu po rješenju o izvršenju broj. 65 0 I 322157 13 I od 18.02.2013. godine, 65 0 I 470910 14 od 20.11.2014. godine i broj 65 0 I 465628 14 I od 03.02.2015. godine, te da u roku od 15 dana od dana prijema ove Preporuke obavijeste Ombudsmene za ljudska prava Bosne i Hercegovine o preduzetim mjerama.

#### **7.1. Status realizacije: Preporuka nije realizovana.**

### **8. Preporuka P-96/17**

Institucija Ombudsmena je uputila preporuku direktoru Zavoda za izgradnju Kantona Sarajevo da razmotri zahtjeve radnika i pokrene postupak dodjele stanova koji su u vlasništvu Zavoda za izgradnju Kantona Sarajevo, a u skladu sa Zakonom o vraćanju, dodjeli i prodaji stanova, te da u roku od 30 dana od dana prijema ove Preporuke obavijeste Ombudsmene za ljudska prava Bosne i Hercegovine o preduzetim mjerama.

#### **8.1. Status realizacije: Preporuka nije realizovana.**

### **9. Preporuka P-171/18**

Institucija Ombudsmena je uputila preporuku Stručnoj službi Vlade Kantona Sarajevo da odmah poništi Rješenje broj 16-01-34-3-983 od 18.12.2017. godine te da u roku od 30 dana od dana prijema ove Preporuke obavijeste Ombudsmene za ljudska prava Bosne i Hercegovine o preduzetim mjerama.

#### **9.1. Status realizacije:**

**Preporuka nije realizovana.** Stručna služba Vlade Kantona Sarajevo je uputila odgovor Instituciji ombudsmena u kojem je navela da je Odbor državne službe za žalbe donio Rješenje broj: 01-34-5/18 od 30.07.2018.godine, kojim se poništava obavještenje Agencije za državnu službu Federacije Bosne i Hercegovine i Rješenje Stručne službe Vlade Kantona Sarajevo broj: 16-01-34-3-983 od 18.12.2017. godine i da se predmet vraća prvostepenom organu na ponovni postupak.

Međutim, dana 18.12.2018. godine podnositeljica žalbe se ponovno obratila Ombudsmenima sa novom žalbom u kojoj je navela da je u ponovljenom postupku doneseno novo Rješenje broj 16-01-34-3-162 od 09.10.2018. godine kojim se na radno mjesto ponovo postavlja trećeplasirana kandidatkinja te je Institucija Ombudsmena ovu Preporuku okarakterisala kao nerealizovanu.

### **10. Preporuka P-314/18**



Institucija Ombudsmena je uputila preporuku v.d. direktoru kantonalne javne ustanove "Gerontološki centar" Sarajevo da po prijemu preporuke stavi van snage Upozorenje radniku, broj: 12-1274/18 od dana 27.09.2018. godine, te da u roku od 30 dana od dana prijema ove Preporuke obavijesti Ombudsmene za ljudska prava Bosne i Hercegovine o preduzetim mjerama.

#### **10.1. Status realizacije:**

**Preporuka nije realizovana.** Kantonalna javna ustanova "Gerontološki centar" Sarajevo je dostavila odgovor na Preporuku, ali Preporuka nije realizovana.

#### **11. Preporuka P-52/19**

Institucija Ombudsmena je uputila preporuku premijeru Kantona Sarajevo da prilikom planiranja i raspoređivanja sredstava iz Budžeta Kantona Sarajevo, planira novčana sredstva za jačanje kadrovskih kapaciteta Centara za fizikalnu rehabilitaciju u Javnoj ustanovi Dom zdravlja Kantona Sarajevo, direktoru Javne ustanove Dom zdravlja Kantona Sarajevo da u što većoj mjeri, u skladu sa dostupnim budžetskim sredstvima, kontinuirano poduzima mjere u cilju osnaživanja Centara za fizikalnu rehabilitaciju, kao i da Pravilnik o radu, unutrašnjoj organizaciji i sistematizaciji uskladi sa Standardima i normativima zdravstvene zaštite iz obaveznog zdravstvenog osiguranja u Federaciji Bosne i Hercegovine i Standardima sigurnosti i kvaliteta za primarnu zdravstvenu zaštitu.

#### **11.1. Status realizacije:**

**Preporuka nije realizovana.** Direktor javne ustanove Dom zdravlja Kantona Sarajevo je uputio odgovor Ombudsmenima u kojem je naveo da prava zaposlenice nisu prekršena, te da Ustanova nije u obavezi odgovoriti na prispjele molbe zaposlenice koje se odnose na priznavanje visoke stručne sprema kao i davanje većih prava u smislu većeg koeficijenta u obračunu plate.

#### **12. Preporuka P-55/19**

Institucija Ombudsmena je uputila preporuku Ministarstvu za obrazovanje, nauku i mlade Kantona Sarajevo da uspostavi saradnju sa Institucijom Ombudsmena za ljudska prava Bosne i Hercegovine na način propisan Zakonom o ombudsmenima za ljudska prava Bosne i Hercegovine, te da dostavi izjašnjenje.

#### **12.1. Status realizacije:**

**Preporuka nije realizovana.** Ministarstvo za obrazovanje, nauku i mlade Kantona Sarajevo nije dostavilo saglasnost javnoj ustanovi Poslovno – komercijalna trgovačka škola za radno mjesto socijalnog radnika iako je Prvostepena komisija za evidentiranje i zbrinjavanje zaposlenika za čijim radom je prestala potreba u osnovnim i srednjim školama na području Kantona Sarajevo takav prijedlog dostavila ministru na potpis.

#### **13. Preporuka P-27/17**

Institucija Ombudsmena je uputila preporuku Pravobranilaštvu Kantona Sarajevo da uspostavi saradnju sa Institucijom ombudsmena na način propisan Zakonom o ombudsmenu za ljudska prava BiH, da odmah, a najkasnije u roku od 7 dana, dostavi akte i izjašnjenja na akt institucije od 05.01.2017. godine, te da u roku od 7 dana, od dana prijema ove Preporuke obavijesti Instituciju ombudsmena za ljudska prava BiH o načinu realizacije ove preporuke.

#### **13.1. Status realizacije:**

## **Preporuka nije realizovana.**

### **14. Preporuka P-103/17**

Institucija Ombudsmena je uputila preporuku Pravobranilaštvu Kantona Sarajevo da uspostavi saradnju sa Institucijom ombudsmena na način propisan Zakonom o ombudsmenu za ljudska prava BiH, da odmah, a najkasnije u roku od 7 dana dostavi akte i izjašnjenja na akt institucije od 05.01.2017. godine, te da u roku od 7 dana, od dana prijema ove preporuke obavijesti Instituciju ombudsmena za ljudska prava BiH o načinu realizacije ove preporuke.

#### **14.1. Status realizacije:**

**Preporuka nije realizovana.** Vlada Kantona Sarajevo dostavila je akt, broj: 02-05-20847/17 od dana 08.06.2017. godine, u kojem se navodi sljedeće: “U prilogu akta dostavljamo Vam očitovanje na Preporuku koje smo dobili od Pravobranilaštva Kantona Sarajevo, a u vezi sa žalbom broj Ž-SA-02-156/13 i broj: Ž-SA-02-367/13.” Ombudsmeni Bosne i Hercegovine su uvidom u akt Pravobranilaštva Kantona Sarajevo, broj: PK-1/17 od dana 05.06.2017. godine, koji je dostupan u spisu predmeta, utvrdili da Preporuka, broj: P-103/17 nije ispoštovana.

### **15. Preporuka P-104/17**

Institucija Ombudsmena je uputila preporuku JU “Kantonalni centar za socijalni rad” Sarajevo da u budućim slučajevima poštuje zakonom propisanu proceduru za slučajeve smještanja osoba lišenih poslovne sposobnosti uz obavezu poštivanja pravomoćnih presuda Ustavnog suda Bosne i Hercegovine i Evropskog suda za ljudska prava, te da obavijesti Ombudsmene Bosne i Hercegovine o mjerama poduzetim u cilju realizacije preporuke.

#### **15.1. Status realizacije:**

## **Preporuka nije realizovana.**

### **16. Preporuka P-41/19**

Institucija Ombudsmena je uputila preporuku Vladi Kantona Sarajevo da u ovom i svim budućim slučajevima, prilikom provođenja konkursne procedure kandidatima blagovremeno dostavi obavijest o ishodu konkursa, da u budućim slučajevima razmotri mogućnost provođenja odvojenih procedura i izbora direktora samostalnih kantonalnih uprava i samostalnih upravnih organizacija u Kantonu Sarajevo, da poduzme aktivnosti u cilju definisanja roka za postavljenje imenovanih kandidata nakon okončanja procedure konačnog imenovanja, te da preduzme sve neophodne mjere kojima će osigurati da se imenovanje izvrši uz puno poštivanje Zakona o ministarskim, vladinim i drugim imenovanjima Federacije Bosne i Hercegovine (Sl. Novine F BiH br. 12/03, 34/03, 65/13).

#### **16.1. Status realizacije:**

**Preporuka nije realizovana.** Dana 05.11.2019. godine, Ombudsmeni BiH su u cilju implementacije Preporuke u cjelosti uputili Obavijest o neispoštovanju Preporuke prema Vladi Kantona Sarajevo sa ciljem poduzimanja aktivnosti na implementaciji Preporuke. Traženo izjašnjenje nije dostavljeno od strane Vlade Kantona.

### **17. Preporuka P-53/19**

Institucija Ombudsmena je uputila preporuku Ministru za boračka pitanja Kantona Sarajevo da imajući u vidu navode iz ove Preporuke, ponovno razmotri inicijativu Udruženja Jedinstvena organizacija boraca "Unija veterana" Kantona Sarajevo za dodjelu stana pod zakup [REDACTED], te da u roku od 30 dana od dana prijema ove Preporuke, obavijesti Ombudsmene Bosne i Hercegovine o mjerama poduzetim u cilju realizacije preporuke.

#### **19.1. Status realizacije:**

**Preporuka nije realizovana.** Cijeneći odgovor Ministarstva za boračka pitanja Kantona Sarajevo, Ombudsmeni Bosne i Hercegovine zaključuju da preporuka broj: P-53/19 od 19.02.2019. godine nije realizovana.

#### **18. Preporuka P-261/19**

Institucija Ombudsmena je uputila preporuku Vladi Kantona Sarajevo/Stručnoj službi Vlade Kantona Sarajevo da preispita Odluku/Rješenje broj: 16-02-05-31577-25.1/19 od 29.08.2019. godine, kojom se odbija prigovor/zahtjev podnosioca žalbe za pristup informacijama od dana 23.05.2019. godine, a kojim je tražena dostava prepisa zapisnika sa 13. sjednice Vlade Kantona Sarajevo, te donese novo Rješenje utemeljeno na odredbama Zakona o slobodi pristupa informacijama FBiH, uvažavajući navode iz Preporuke.

#### **18.1. Status realizacije:**

**Rad na predmetu u toku.** Upućena je urgencija Stručnoj službi Vlade Kantona Sarajevo. Rad na predmetu je u toku.

#### **19. Preporuka P-176/17**

Institucija Ombudsmena je uputila preporuku Premijeru Vlade i Ministru privrede da u skladu sa članom 87. i 109. Zakona o turizmu ("Službene novine Kantona Sarajevo" broj 19/16) donese odluku kojom se hitno rješavaju pitanja radno-pravnog statusa zaposlenika Turističke zajednice Kantona Sarajevo, da odmah po prijemu ove preporuke preduzmu mjere i aktivnosti na realizaciji Zaključka Vlade Kantona Sarajevo broj: 02-05-15292-53/17 od 14.04.2017. godine u vezi sa isplatom plata zaposlenicima Turističke zajednice Kantona Sarajevo za prva tri mjeseca 2017. godine, te da u roku od 8 dana, od dana prijema ove Preporuke obavijesti Ombudsmene Bosne i Hercegovine o načinu realizacije ove preporuke.

#### **19.1. Status realizacije:**

**Preporuka nije realizovana.** Ombudsmeni Bosne i Hercegovine do dana 27.03.2018. godine nisu zaprimili izjašnjenje Vlade Kantona Sarajevo o načinu realizacije Preporuke Ombudsmena Bosne i Hercegovine. Dana 28.03.2018. godine Ombudsmeni su u skladu sa odredbama Zakona o ombudsmenu za ljudska prava Bosne i Hercegovine dostavili Skupštini Kantona Sarajevo akt pod nazivom "Obavijest neposredno višem organu o nesaradnji Vlade Kantona Sarajevo u vezi sa izvršenjem preporuke Ombudsmena Bosne i Hercegovine broj: P-176/17." Također je zatraženo da čim prije Skupština Kantona Sarajevo dostavi informaciju Ombudsmenima Bosne i Hercegovine o načinu realizacije preporuke. Obavijest nije dostavljena.

#### **20. Preporuka P-269/18**

Institucija Ombudsmena je uputila preporuku Turističkoj zajednici Kantona Sarajevo da odmah po prijemu ove preporuke uspostavi saradnju sa Ombudsmenima Bosne i Hercegovine na način propisan Zakonom o ombudsmenu za ljudska prava Bosne i Hercegovine.

#### **20.1. Status realizacije:**

**Preporuka nije realizovana.** Turistička zajednica Kantona Sarajevo nije postupila po preporuci Ombudsmena. Dana 21.12.2018. godine Vladi Kantona Sarajevo dostavljena je Obavijest o neizvršenju preporuke Ombudsmena u predmetu žalbe [REDACTED], preporuka broj: P-269/18.

#### **21. Preporuka P-231/19**

Institucija Ombudsmena je uputila preporuku Ministarstvu za obrazovanje, nauku i mlade Kantona Sarajevo da odmah po prijemu preporuke uspostavi saradnju sa institucijom Ombudsmena za ljudska prava Bosne i Hercegovine na način propisan Zakonom o ombudsmenu za ljudska prava Bosne i Hercegovine i dostavi izjašnjenje.

#### **21.1. Status realizacije:**

**Rad na predmetu je u toku.**

#### **22. Preporuka P-179/17**

Institucija Ombudsmena je uputila preporuku Vladi Kantona Sarajevo da razmotri izradu dokumenta u kojem će prikupiti informacije o broju objekata kolektivnog i individualnog stanovanja koji su pod određenim stepenom zaštite a koji su u međuvremenu postali neuslovni za stanovanje i broja ljudi koji su pogođeni usljed toga, kao i mjere koje se mogu poduzeti s tim u vezi.

#### **22.1. Status realizacije:**

**Rad na predmetu je u toku.**

#### **23. Preporuka P-44/18**

Institucija Ombudsmena je uputila Preporuku Upravnom odboru Zavoda zdravstvenog osiguranja Kantona Sarajevo da pristupi izmjeni Odluke o refundaciji troškova za pruženu uslugu medicinski potpomognute oplodnje – Prečišćeni tekst – broj: UO/06-13.1-N.H – 1697/17 od 23.01.2017. godine u smislu dopune odredbe da se vanbračna zajednica može dokazati i drugim dokaznim sredstvima.

#### **23.1. Status realizacije:**

**Preporuka nije realizovana.** Treba istaknuti da je Institucija prethodno izdala preporuku broj P-150/17 dana 05.07.2017. godine u predmetu registriranim pod brojem: Ž-SA-04-324/17 u svrhu otklanjanja diskriminatorne odredbe. Iz tog razloga u preporuci koja je izdata u ovom predmetu broj P-44/18 dana 12.02.2018. godine ukazano je na potrebu korištenja drugih dokaznih sredstava. Zavod na ovu preporuku nije dostavio odgovor ali je dostavio odgovor na preporuku broj P-150/17 u kojoj je naveo da ostaje pri odredbama Odluke na koju se žalba odnosi.